

**Zeitschrift:** Annalas da la Societad Retorumantscha  
**Herausgeber:** Societad Retorumantscha  
**Band:** 1 (1886)

**Artikel:** Protochol dilg lud. Corps de Chitschadurs  
**Autor:** [s.n.]  
**DOI:** <https://doi.org/10.5169/seals-176383>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 11.08.2025

**ETH-Bibliothek Zürich, E-Periodica, <https://www.e-periodica.ch>**

## Protochol dilig lud. Corps de Chitschadurs.

Te Civem, Patremque geras,  
tu Consule non tibi: nec tua te  
moveant, sed cunctis publica damna.

Quei ei bucca mo in Proverbi tiels Latiners, sonder era ina generalmeng acceptada Maxima de tuts Regenters, ina Lescha Fundamentalala, sin la quala scadin Stat veng sagirameng bagegiar sia Ventira et Felizitat, pertgei nagliu peglia ilg emperneivel Pomè della preziosa Libertat pli grondas e profundas Ragischs, che grad en quellas Tiarras, nua che scadin Burgeis sesprova de survargar ins lauters, con flissiameng seexercitar ellas Armas et aschia ei adina paregiaus de prender las Armas enten Maun per defender la de ses buns Velgs artada Libertat, nagliu ei la Paisch pli sagira, sco tier in Pievel, ilg qual della Giuventetgna ensi ei sedisau tiels Uaffens, et aschia surveng la Spertadat enten quei Exercezi talmeing ch'el prend nagin Dubi de semiserar cul Inimitg, che less el molestar en siu dulsch Ruaus — e scadin Momen ei prompts e pergiaus de s-chitschar con la Forza dilgs Uaffens las Neblas de Perturbaziun e Revoluziuns, che schmanatschen de stgirentar ilg emperneivel Solelg della dultscha Paisch. Ventireivels pia ei quei Staat, che adina s'afila en Standt de poder far Ujarra. Ilgs Inimitgs interiurs et exteriurs vegnen ad esser Stunchentaj, vesend tal exact Uorden et Preparaziun. — Nagin Spert de Fracziun et interess veng a regier, pertgei sco sch' in advertess la mendra Ensenna d' Oligargia — Aristocratia, Egoismus — Tirania, ne de Dominaziun de mo enzacontas Familias che lessen Surpassar las pli Sointgas Leschas della Christgiaunadat cun peis et enconoscher nagina Lescha auter che lur Dispotismus — e malordinadas Pissiuns — lu vigilescha ilg Spirt Patriotic, prend las Armas et prendeit mira tut trembla, perquei ch'ei vesen la terlichonta Spada dilig Pievel, la quala ei prompta de far Vendetgia de tals Exess, cun in Plait — las Armas et Curascha heroica procurreschen tier Amitgs pli gronda Auctoritat, tiels Inimitgs Tema.

Consideront pia da dina Vart tals merveglus avantatgs della Vigilonza et exercizi ent ilgs Uaffens, et de l'otra Vart

la Critica Situaziun de nossa cara Patria et ilgs Prigels che nus entuorn entuorn schmanatschen; Sche eis ei din ault Governament de Cuminas 3 Ligias vegniu Projectau, gie cau suenter con Aprobaziun dilgs Dominants Cosselgs a Comins vegniu Decrettau, de far puspei Vigilar si ilg vegl Spert de noss buns Antecessurs, de semetter en Stand de Defensiun, che mintgin schebiond ilg Schventireivel Chass, de vegnir attachaus da din Inimitg, suenter siu saver e puder, possi defender la Independenza e Libertat de nossa Patria.

Nies lud. Comin sco εμπrem Comin della emprema Ligia, consideront per Part ilg grond avantatg dilgs Chitschadurs el Tirol et Untervalden, per Part era per animar et ira avon als auters Comins cun heroica Taffradat e Promptadat de Deffender la cun Saun de noss Babs cumprada Libertat, reflectont era de lautra Vart cun gronda Schnavur, sche ina Natiun, la quala ei sealzada tier ina Grondezia colossalica e gigantesca Republica vegni con siu theater d'ujarra pli e pli datier da noss Confins, talmeing bucca mo nossa con nus confederada Helvetia ei ussa totalmeng separada, et metamorphosada u midada enten ina Republica nova aliada con la gronda Natiun Franzosa, sonder era che nossa a nus Subdita tiara de Valtrina, Clavena et Worms malgiestameng de nus ei vegnida scarpada et incorporada cun la nova existentia Republica Cisalpina.

Consideront era ch'ei seigi nagin pli sagir Ramiedi per far Respettar la exacta Neutralitat, che semetter enten Stand D'Ujarra — e che bein pertgirar ilgs noss Confins V C:

Sche ha in ludeivel Magistrat Sespruau de sin enqualcha Moda a Maniera far ch'ilg Pievel sametti en in Bien Stand ellas Armas, arivond quella Ura la quala nus vegnessen molestaj u attachaj Vid la Religiun et Libertat e Independenza de nossa cara Patria e Giavischaments de quella.

Et ha Sin nagin Grau saviu patertgiar ora in meglier Mettel e Sigerezia per nossa Chara Patria e particolarmeng de nies ludeivel Comin auter che de tschentar si e metter en Effect in Plan che consista in Uorden e Erangement d'ina Compagnia de Chitschadurs ne Jäger-Corps, Composaus de 50 Umens per Cuort e Dus Comandants e in Chirurg: Sco elg Plan sez veng ad esser tgi che legia el second.

## Chars Compatriots e Buns Grischuns della Cadi!

Quest Plan ei vegnius daus en ad in lud. Magistrat de zerts  
Compatriots della Cadi ilgs quals en suttascrerts alla  
fin dilg Plan sut ilgs 24 de Juli 1798.

Entochen ussa ei nossa Tiara con la Schvizera stada Confederada, ussa aber vegn ei entras ilgs recess garegiau, che ella vegni con la Schvizera Incorporada, quei ei che nus retscha-veien sia nova Constituziun, perneien Part a sia buna a schliatta Sort, daventeien Schvizers.

Ton s'ro in auda sche vul ilg Pur nuotta saver de quei, sonder vul restar Grischun, sco sees buns Vegls en staj, mingin vesa en, che con sebetter con ilgs Schvizers, sche en quels quatergadas pli che nus, sche deigi tenor lur nova Constitutinn tut ira suenter Pli Vusch, sche vessen nus nuotta pli de dir, e Comendar, sonder Stuessen star sut al Plj con Vetta, Rauba, Honor e Religiun; sche nus pia seresolvein de restar libers Grischuns sco noss Antecessurs, sche eis ei era de patertgiar co quei seigi posseivel, a quest Tems, nua che sco Tschocke di: ne Polizia, ne Fei, ne Verdat, ne Raschun, ne Tractats vallen pli, sonder la soletta Forsa Camonda, la forsa dilg Inimitg ei da tut.

Lein nus bucca saver de retscheiver autras Constituziuns, sonder de restar tier la nossa, che era noss Perdavons han schau a nus, sche stuein nus era seresolver de salvar quei che la Constituziun fundamentala prescrive en ilg Puntsartichel en vigur dilg „Bundsbrief“ cha scadin Um ella Ligia engirau e seobligau de Defender la Patria con Vetta a Rauba, en Kraft dil Bundsartichel deigi scadin Bundsmann esser paregiaus con armas, taglions et Sagitons ensemblameng con 24 Cargadas Puorla a Plum tondanavon che enten Chaschun de Visitas ch'in Magistrat figiess et anfluss intgin buch en tala visa provedius, sche deigi in tal esser Culpons da 5 R. Falonza, quei ein ils Tschentaments che noss buns vegls han schau davos. Ilgs Uaffens en ilgs mettels, cun ilgs quals quels han sagirau e Defendiu nossa Libertat.

Schi bein che zvar de zerts Compatriots de nies Comin han bucca podiu Spitgiar entras ilg Anim e Patriotismus de schar ir ora sillas Vischnauncas ilg Plan della Compagnia de Chitschadurs dedicaus d' in lud. Magistrat ne in „Ausschus“ de quel, sonder han sez dau en in Plan de quellas Varts e garegiau ch' in lud. Magistrat quel Participeschi allas lud. Vischnauncas e Dumondi lur Consentimen.

In lud. Magistrat ha legiu giu ilg da zerts Compatriots compassau Plan, et ha madirameng reflectau atras, Consideront aber ilgs gronds Cuosts che ilg Comin cautras stuess far con Cumprar quellas el Plan maldegiadas buis ragadas et auter pli; in Suma el ha viu ch' el era bucca aproportionaus alg auguri dellas Vischnauncas.

Tonaton eis el entras ilgs Plis dellas lud. Vischnauncas con questa remarca ch' el vegni pli adequatamein Formaus: aprobaus.

Aschia ha in lud. Magistrat schau ira ora sillas Vischnauncas quei vivon nomnau Plan e Dumondau sch' ellas veglen dar lur Consentiment de metter si in Corps de Chitschadurs ne bucc.

Cun non explicabel legerment ha in ludeivel Magistrat viu et expermentau, che ilg Spirt Patriotic regi aunc tier la pli Part, che tuts hagien in ardent Desideri de Defender ilgs Dreitgs della Libertat e lur Democratica libera Constituziun — con desiderar che quei Project vegni ton pli gleiti mess en Effect, talmeng che tuts han mussau lur Patriotismus; con voluntariameng seschar scriver en denter quei Corps de Chitschadurs — seporschiu al Survetsch dilg Comin, et aschi dedir setschafavan in a lauter la honor de ver Chischun de Defender con lur agien Saun la Patria et aschia sencoronar con la Cruna de Lorber.

— Cun murir per Religium et Libertat. —



Las armas e la Churascha ston aung oz il Dy sustaner nossa Independenza, tras las Armas e la Churascha han noss Pardavons priu en la Valtrina ilg onn 1512. Con la Spada han ei pli gadas fugientau nondumbreivlas Armadas che eran ruttas en nossa Tiara.

Sche ilgs noss han puspei repriu La Valtrina ilg onn 1639 entras lur fina Politicha, Sche savein nus che las Potenzias han lautier Consentiu per muort la Stema che ellas vevan de nossa expermentada Tafadrat entras la quala ilgs noss fuvèn en stand de defender nossa tiara a schurmiar ilgs Confins della lur Tiara.

La Politicha senza la forza vala nuot, nies Govern ha schau ira la forza da noss buns vegls, ha salvau mo la Politica, et aschia vein nus avon in onn entras ina malmanada Politica piars la Valtrina, Vorms a Clavena, nua che sco Planta dy, in Peer buns Regimens Schuldada vess per Temps podiu temprar ilgs Valtrines. Nus vein aber sefidau della Politicha senza la Spada.

Quei nus dat Scola co ei podess ira con la Patria seza, sche nus seschein sin Politicha. La Olma della Politicha ei La Uniun de Buna Entelgientscha, aber ussa ella Tiara nus resta nagina autra Ustonza che de semetter sut las Armas. Mai ei nossa Tiara stada en schi grond Prigel per sia Libertat et Independenza sco el Tems present.

Sche las Potenzias han rispettau nossa Tiara e Neutralitat en la davossa Ujara, schei sei quei daventau per ina, pertgei che nus eran confederai con ilgs Schvizers e per lautra per quei che nus havevan ilg Capitulat con Millaun, el present aber vein nus nagin davos Dies, in che ha sez da far ilgs Mauns pleins sco ilgs Schvizers, savess bucca gidar in auter; sch'ei duess pia puspei rumper ora Ujara sco ei gliei de tumer sche ei nossa Tiara senza schiarm, nun che nus preneien pli detschartas Masiras. In che vul esser rispettaus, sto saver rispettar. La forza dilgs Uaffens ei quella Soletta che veng oz il Dy rispettada.

En Consideraziun de tut quei, sche essen nus suttascrets, animaj dilg ver Patriotismus e Premura per ilg bien della Patria e nies agien Comin, sentelli con plirs auters che seuneschan euls madems Sentimens ed ein seresolvj, sco voluntaris de derscher si in Chorps de Chitschadurs Consistents en duas Compagnias de Chatschadurs per survir alla Defensiun de nies Comin della

Cadi, alla quala nossa Tiara ha d'engratiar l'entschatta de sia Libertat, mai ei la Bandiera della Cadi vegnida muentada senza ver purtau victoria ne fatg ovras Segiladas. La Bandiera seza che veng aung conservada fa ver la Pardetgia de quei, ina Tuorp fuss ei per nus sche nus secondassen buccha quei che in u lauter Comin ha schon ussa dau ina Entschatta.

La Forsa della Defensiun Consista bucca ton en quantitat de Gliaut, sco ella maniera de Uregiar, scadin militar et Inschignur vegn a stoer Dyr, che la Situaziun de nossa Tiarra a nossas montognias e stretgs Pass seigien a proposit per ina Armada da Chitschadurs con buis ragadas, e chur ch'ei duess vegnir de combatter cugl Inimitg mo quella Distanza che ina buis ordinaria po trer, sche convegn ei mai als noss de semetter enconter cun Truppas regoladas, auter che cun Halumbarts, turschets e Pals; las Experienzas a nus muossen che ilgs Tirolers ilgs quals sin quella moda a buis ragadas han fatg emblidar via ilg Inimitg la via de turnar ord lur Tiarra et als auters de vegnir en.

Ilgs Schvizers e Valleisers con lur buis ragadas han pér questa Permavera fatg ver, ch'ei en seschaj en e tenu anavos ina ferma armada nua ch'ilgs frusts pon bucca malmaneivlameng vegnir duvrai.

Ei manegia nuotta che nus veien ina gada affortificau alla Natira sin ina ferma Platza, sche nus essen ton negligens che nus podeien gnanc prender la breigia en in basegns u Chass per pertgiral ora las Postas u Pass.

Sin questas Reflecziuns vein nus suttascrots la Confidanza che las lud. Vischnaucas vegnen bucca a prender si auter che per bien, sche nus era en Num de noss Comittents pernein la Libertat de suplicar ellas ch'ei veglien a nus lubir sin quen de Comin de comprar circa 50 ne 60 buis ragadas ne autras buis vedras bein grossas che seigien sufficientas de far regar sco era de far vegnir ussa ne bein gleiti 2 ne 4 fravis de buis per far regar ne metter en bien stand entochen silg Diember de 200, ne sco nus survegnin ussa de gleiti umens lautier. Con Condiziun che ilg Comin prenda Datum e pagi ils Cuosts che podessen ira de quellas varts e che a nus denton vegni favoriu ord la cassa de Comin ne suentar il Parere d'in lud. Magistrat in ton Daners anticipadameng per far ilgs Cuosts necessaris.

Seobligont adina alla Consegnia dellas Armas sco Pro-

prietat d' in ludeivel Comin e de sesuttametter alla Direcziun d' in ne lauter Sigr. d' in lud. Magistrat che vegness cau tier tratgs era per invigilar.

Las lud. Vischnauncas vegnen de sasezas a reflectar ch'ei resti aung allas Compagnias ilgs pli grons Cuosts per far Uniformas, per las Patrontaschas et autras Facturas senza far menziun della moniziun e Premis che vegnen requirj per nus exercitar el sittar noda, per ilg qual tut nus lein bucca molestar in lud. Comin sonder sefidein della Generusadat de particulars ne de nossa atgna Premura.

Senza metter vitier auters motivs, cartein nus che quel solet seigi sufficients de perschuer in e scadin de nus de dar enten maun las Armas senza Cuosts depia che nus seofferein de dar nossa vetta e nies Saung per defender ilg Comin cun quella chara Patria, sin tala Speranza vein nus la honor de sesuttascriber

Voss Fideivels Compatriots:

Conradin Caprez, Gion Giachan Camichel,

Gion Antonj Deruns, Gion De Thuor etc.

In lud. Magistrat ha legiu giu quest Plan et ha ordinau de sechar ira ora sillas Vischnauncas per sia Approbaziun et ei vegnius tal e qual approbaus.

Vesent sura aber che quei era bucca in Plan adequat e proporzionau, sche ha in lud. Magistrat sez tschentau si ne dau Comissiun a 2 Commembers de quel de tschentar si in Plan ilg qual ei aber pér vegnius legius giu ilgs 27 de August.

Suonda ilg Plan de Chatschadurs.

### **Formaziun dilg Corp de Chatschadurs.**

Sin la Comissiun dada d' in lud. Magistrat agli Signur „Landrichter“ Benedetg de Caprez e Sigr. Obrist Castelberg de metter giu in Plan per in Chorp de Chatschadurs, aflan quests che ellas presentas Circumstanzias en de tala Natira, ch'ei duess vegnir domandau oravon las lud. Vischnauncas, sche ellas vulan verameng semetter enconter ne en stand ton sco Posseivel ei de sedefender en Chass che enqual Inimitg less nus attechar ne Disturbar.

Dubitont bucca che mintgin garegi de Defender ilg lud. Comin e la Patria, vein nus Patertgiau bucca mo vid in Plan

de Chatschadurs sonder vid in adottabel a nies Pievel per prender si per in Onn u Pljs Onns tras ilg qual in e scadin vegni mess en Stand de saver e poder e quei sco Suonda. —

1. Deigien quels vegnir Composau de 200 Umens et Lau Speras dus Comandants. Quels 200 Umens deigien vegnir mess en quater Compagnias. Quei ei 50 Umens per Compagnia dellas qualas vegn partiu ina per Cuort et aschia ina Compagnia per Muste, ina per Tujetsch, ina per Somvitg e Tron et ina per Breil e Medel. De quels 2 Comandants survegn in Sursessiala e lauter Sutsessiala. Mintgia Compagnia dei haver 5 Officiers nomnadameng 1 Capifani, 2 Premlittinents e 2 Sutlittinents, lau speras in Serschant major, 3 Serschants, 6 Corporals ils quals officiers deien sez esser a lur Spesa de searmar a lur Spesa mintgia Cuort po legier ora ses 5 officiers et Corporals, ne sche ella vul schar la Elecziun a sia Compagnia sche stat ei en sia Libertat, cura che ella ei formada de 50 Umens.

La nomnada aber dilgs Comandants ei din lud. Magistrat sin aprobaziun dellas lud. Vischnauncas vegnida fatga; ei glier vegniu nomnau Sgr. Capitani Conradin Castelberg per Sursessiala e Sgr. Litinent Ludovic Balletta per Sutsessiala.

2. Quei Corps de Chitschadurs cur ch'el ei Formaus sto prestar ilg Seramen de Fideivladat et obedienscha a lur Superiurs et adin lud. Magistrat.

3. Tuccont tier ilg Ornament de Buis et auter ch'ei necessari sco era la Moniziun de Puorla e Plum, cura ch'ei en enten Survetsch, sche ei il Comin obligaus de metter.

La uniforma ne mondura possi mintgia Catschadur metter tier sez, per aber sittar sin la Schiba ston era ilgs Catschadurs sez pagar la Puorla e Plum.

4. Pertanent tier la Paga e Vivonda enten Chass ch'ilg Corps de Chitschadurs fuss obligaus de marschar dei quel haver fl 1 a Dy, ord ilg qual el seigi obligaus de mirar per seia Vivonda.

Entochen ch'els fussen en Survetsch della Patria, Deigi mintgia Vischnaunca mirar ch'ils fatgs della Lavur de quels vegnen giestameng regulai e mintgia Vischnaunca ch'ei il pli datier de quei Corps dei dar e furnir la vivonda per in raschuneivel Pagamen; sinaquei che quei daventi, deigi mintgia Magistrat dil liug haver quitau.

5. En Cass de basegns sto ilg Corps de Chitschadurs dilgs

Giuvens, quei ei de quels che han la vegliadetgna dilgs 15 (19?) onns entochen ils 30 inclusive, vegnir formaus sco ilg Corps de Chitschadurs e dei vegnir en agit ton sco Cuort en Olivadat po tucar.

6. Suenter quels deigien trer quels de 30 entochen 44 onns inclusive era enten la madema moda et Numer sco sura.

7. E finalmein dei ilg Chorps de Reserva serimnar ilgs quals han la vegliadetgna dilgs 45 entochen 60 inclusive, quels aber che vargan quels onns seigien obligai de regular las Lavurs ne fatgs de Casa suenter ilgs basegns che sepresentan per quels che en enten Survetsch della Patria. —

Las lud. Vischnaucas de nies lud. Comin han ilg davos sura scret Plan Compleinameng aprobau e Confirmau tal e qual sco el scret et aschia era mess en Effect e tschentau si Compagnias e legiu ora e nomnau ilgs Capitans, Aults e Basslitenents „Wachtmeisters“ etc. etc. e Corporals. Ilgs Officiers aber han las lud. Vischnaucas schau sura a mintgia Compagnia de legier ora.

In lud. Magistrat ha era sespruau de tschentar si e Comprar Buis ragadas per quei Chor de Chatschadurs, ilg qual ei din lud. Magistrat vegniu ordenau.

Ilgs 27 de Auost. De scriver agli Sigr. Barun de Chronthal, ch'el a nus favoreschi 200 Buis ragadas per quei Chor de Chatschadurs che seigi ussa mess en Pei.

Anno 1798 ilgs 7 de 7ber. Ei vegniu ordenau che ilg Chor de Chatschadurs deigi denovameng vegnir mess en Effect et aschinavon sco in hagi scret agli Sigr. Barun de Chronthal per obtaner quellas Buis ragadas, sche hagi quel bucca podiu Sigierar de favorir et aschia hagian ins bucca Buis ragadas avunda per quei Chor de Chitschadurs, sche seigi mintgin obligaus tgi che hagi de quellas Sorts Buis, d'ira tier ilg Chor de Chitschadurs, con Obligaziun ch'ilg Comin seigi responsabels tenor plidar dilg Plan.

E enten Chass ch'ei fuss bucca avunda en mintgia Cuort Voluntaris, per fornir la Compagnia tenor Project, sche deigi ei esser en Pussonza della Vischnaunca de trer ora con la Sort Gliaut Sufficianta per formar ord da quels ina Compagnia per Vischnaunca.

Anno et Die ut Supra. Ei de Part d'in lud. Magistrat vegniu tschentau si ina Precauziun de part d'in lud. Cossegl

d' Ujarra per Comissiun d' in lud. Magistrat enzaconts Pungs, ilgs quals aber ilgs Pungs partegn tier als Chatschadurs sco cau Suonda . . .

7. Tuts Chatschadurs dilg Comin era quels che han buis ragadas deigien era esser obligai de cura ch'igl basegns emprem garegia con lur Officiers, sepostar sin igls aults et enten stagl de Schumbers prender Corns de Caura e seconvegnir denter els dellas Ensenas de avanzar enconter igl Inimitg, sco era de seretrer, essent ch'igls Chatschadurs pon bucca esser sepostai ensemen, sonder ston mintgia mai suenter la Situaziun dilgs Loogs esser dividi e per quella fin eis ei zun necessari de dovrar de quels Corns per poder dar igl Avis de seretrer ne seavanzar.

1798 ilgs 18 de October.

Cura ch'ei gliei daventau ilg „Landsturm“ sche ei era ilg Chor de Chitschadurs de Sutsessiala ensemblameng con la Gliaut ch'ei ordenada tier ilg „Landsturm“ en arivai a Muste, sche cura ch'in lud. Magistrat e Cossegl d' Ujarra en serimnai ensemen e tarmess ora Dursera la Deputaziun sch'ei ei era vegniu fatg sin Comin per far la guardia silgs noss Confins de gliez Maun. Resalvond la mesa Compagnia de Medel, quella deigi tenor Oordinaziun d' in lud. Magistrat e Cossegl d' Ujarra dilgs 20 de 9ber star en sia Vischnaunca per ent'igl Cass che nus vegnessen molestai de gliez maun sche seigi quella ordinada sin gliez Confin, con aung dar Succuors sch'ei fa de basegns.

Ilgs 20 de 8ber eis ei vegniu tratg ora ina Comissiun dilg Cossegl d' Ujarra la quala deigi ordenar tut quei che fa de basegns sco gliei d'enflar egl Protocol dilg Cossegl de Ujarra.

Anno 1798 ilgs 23 de 8ber. Eis ei tenui Cossegl suenter miez Dy et ordenau sco Suonda: Ei ordenau d' in lud. Cossegl d' Ujarra che mintgia Magistrat de Vischnaunca deigi procurar ch'ei vegni dau Uorden a quels ilgs quals en dilg Chor de Chitschadurs, ch'ei vegni nuotta negligiu ilg lur fatg de Casa et en cass ch'ei muncass de quei, sentelli ton sco per la Lavur d' in Um deigi quei Decret seextender, e per quel deigi la Vischnaunca esser obligada ton sco per la Pagaglia, buc aber la spisa de bonificar; en munconza de quei fussi la Vischnaunca responsabla per ilg Don che mintgia Chitschadur pitess, ilg qual ei con ina gada vegniu notificau allas Vischnauncas.

Anno et Die ut Supra. Ei arrivau ina Bref ord de Tujetsch

dilg Sigr. Comandant Balletta che era la Substanzia ch'in hagi legiu ora ilg Gion Giachan Camichel per aide Major dilg Chor de Chitschadurs. Vesent sura aber ch'ei podess nescher enqual Dificultat denter la Compagnia per amur de quei, sche cura ch'in lud. Cossegl d'Ujarra aprobass e confirmass, sche fuss ei pli bein fatg e sinquei ei ordenau:

Ei Gion Giachan Camichel dilg Cossegl d'Ujarra vegnius confirmaus en qualitat de aide Major dilg Chor de Chitschadurs.

Ilgs 24. Sin Instanza fatgia dilg Sigr. Comandant Castellberg pervia della Compagnia de Chitschadurs de Tujetsch sche quella possi trer ilg Salari adualmeng als auters con schar star a Casa quella, sin las ordras aber dilg Sigr. Comandant ei ordenau de schar ilg Salari denter 24 entochen 30 Rrs. ne sco ei afflan per bien de dar.

Ilgs 25 de 8ber ha in lud. Cossegl d'Ujarra ordenau et secret als Sigrs. Comandants dilg Chor de Chitschadurs, ch'ei hagian la survigilonza ne dettien camond ad in ne 2 per Compagnia ch'ei mirien ch'ei vegni dau la Tapa adualmeng als auters, e ch'ilgs Marcadons dellas Compagnia degien dar sco els cumpran en.

Ilgs 26 ei secret la ordinaziun el Protochol dil Cossegl de Ujarra.

Ilgs 27 Semigliontameng.

Ilgs 28. Plinavon ch'ei gliei vegniu fatg Domondas che la Paga dellas Compagnias dilg Chor de Chitschadurs duessi de part della lud. Comissiun dilg Cossegl de Ujarra bucca senflar enten Chass de mo sasez sura de quei artichel enzitzei saver ordenar auter che questa Dumonda participar ad in lud. Magistrat e da leu daven allas lud. Vischnauncas con la Dumonda, sch'ellas a nus camondien de rumper si Daners de quellas Varts; enten quei Chass che ellas quei comandassien vegnien nus a far tut ilg nies posseivel per ademplir als Camonds dellas ludeivlas Vischnauncas sco era per satisfar alla Dumonda della Compagnia.

De part de Tujetsch dilg Signur Comandant Balletta ei vegniu Lamentaschuns che la Vischnaunca de Tujetsch provedi bucca sufficientamein con Lena allas guardias.

Ei vegniu ordenau de scriver agli Sgr. Comandant Balletta de dar la comissiun e de adverter ilgs Sgrs. Geraus de Tujetsch ch'ei fetschien talas provisiuns, che las guardias seigien suffi-

cientameng provedidas con Lena, sinaquei ch'ina lud. Comissiun dilg Cossegl d'Ujarra stopi bucca pli con semigliantas Lamentaschuns vegnir disgustaus.

Ilgs 30 de 8ber. Eis ei vegniu enten ilg second Pung ordenau pertanent tier ilg Chor de Chitschadurs:

1. Che mintgia Vischnaunca deigi procurar de pagar sia Contingenta ilgs Chitschadurs, sentelli la paga sco tochen enchau.

2. Eis ei vegniu plinavon ordinau, consideront las Circumstanzias, de schar ilg Chor de Chitschadurs en siu esser senza reclamar intgin entochen Dumengia, nua che allura deigi vegnir repurtau allas lud. Vischnauncas sch'ei plaigi de schar continuar vinavon, aschi ditg sco ilg basegns ei dat ilg Chor de Chitschadurs en siu Survetsch ne sch'ei plischess per dischviar Spesas, che de mintgia Vischnaunca vegniess mintgia 5 Dys dau silla guardia tons Umens sco la Contingenta dilg Chor de Chitschadurs a mingtin tuca per far ilg madem Survetsch; quels madems Umens aber duessen haver nagina Paga sunder che quei mass suenter sort, quels dilg Chor de Chitschadurs aber aschinavon sco els han entochen enchau giu lur Paga, sche eis ei enflau ch'els fussen era obligai de metter en Sort.

Ei sut ilg madem Dy et Datum vegniu tarmess ina Bref e regard la Paga de nies Chor de Chitschadurs.

Anno 1798 ilgs 5 de 9ber. Aschinavon che la ludeivla Vischnaunca de Muste ha reclamau anavos u spindrau giu sia Compagnia de Chitschadurs e tarmess in auter madem Diember de lur vischins senza spitgar tgei Ply ei seresulteschi dellas lud. Vischnauncas dilg Comin sur de quest sura Object, sche ha la Comissiun dilg Cossegl d'Ujarra enflau per bien et en siu duer de scriver tier alla lud. Vischnaunca de Muste che depia ch'ella fetschi quels pass senza spitgar il Resultat dilg Pli, dilg qual in supponi ch'el vegni a curdar ora per continuar vinavon ilg Chor de Chitschadurs per ina gada, ch'in protesti enconter quei Pass fatg, et vegli haver adressau ad els la Cuolpa de tuttas schliatas Consequenzas che podessen arrivar de quellas varts.

Anno ut Supra ilgs 4 de December eis ei vegniu ent ina bref dilg Cossegl d'Ujarra de Cuera datada dilgs 2 de 9ber enten Substanza, ch'ei aflau che la Dumonda dilg Pagamen u Schulda (sold) per ilg Chor de Chitschadurs seigi giesta, et veglien aschi gleiti sco Posseivel seigi era schar fattigar aber en quei, Momen seigi la Cassa bucca enten Stand e laudan la Promptadat

e masiras pridias de nies Comin en Defensiun della Patria. Ilgs Plys dellas lud. Vischnaucas de nies Comin en de schar continuar ilg Chor de Chitschadurs.

Anno ut Supra ils 5 de dito ei vegniu dau en agli Cossegl d' Ujarra ina Bref de Risposa della lud. Vischnaunca de Muste en Substanzia: ch'els hagien retschiert nossa Protesta, en in Tems aber ch'ei era bucca posseivel de rimnar la Visch. ton pli che la Pli Part ch' eran ora culla Sort fuven schon navend de Casa, et era ch'ei fuvi a nus enconoschent la Resoluziun de nossa Vischnaunca e per Consequenza sapien ei star sut naginas Protestas, bein aber sche nus insistien milsanavon sisu sche veng ilg stathalter a repurtar a sia Vischnaunca en in posseivel Tems.

Pervia dellas manadiras hagi lur Vischnaunca accordau con lur viturins suenter ordinaziun d' in ludeivel Cossegl de Ujarra e sapien zun nuot de haver surfatg de quellas varts encitgei.

Anno et Die ut Supra. Eis ei vegniu scret agli Signur Comandant Castelberg che el admoneschi ilgs Chitschadurs de Medel, ch'els deigien star sin lur Postas entochen che las lud. Vischnaucas hagien bucca sedeliberau autravisa, aschiglioc seigien els Responsabels de tuttas schliatas Consequenzas.

Compara Sigr. Capitani Ludovic de Runs avon la Comissiun dilg Cossegl d' Ujarra e propona ch'el hagi la Comissiun de sia mesa Compagnia de far de saver agli Cossegl d' Ujarra che sia mesa Compagnia vegli star en Survetsch dilg Comin, non reclamond anavos entochen Danief. Suenter aber stetti ella absolutameng buc e vegli nuotta saver pli de quellas varts.

Tucont tier l' Insinuaziun dilg Sigr. Capitani digl Imperatur, tenor ordra de sia Exelenza ilg Sigr. General Bellegarde, eis ei d' in lud. Magistrat vegniu enflau per bien de schminuir nossa Truppa dilg Corps de Chitschadurs per quella furtina, essent ch'ei gliei bucca basegns de questas Uras ne a Tujetsch ne silg Cuolm S. Maria ton Pievel per pertgirar ilgs noss Confins et ei aschia ordinau che a Tujetsch dei restar ina Compagnia et a Medel ina mesa e che mintgia 10 Dys deigien quellas vegnir scomiadas giu; per aber far ch'ei seigi en mintgia Liug ulif con las Compagnias, s'he deigi mintgia Cuort dar 6 Umens per formar ord de quels ina mesa Compagnia, la quala deigi trer a Medel per far ulif ilg Survetsch.

Quala entira ne mesa Compagnia deigi entscheiver la Roda,

ei schau sura als Sigrs. Comandants de seconferir con las Compagnias quals deien entscheiver la Roda, e sch'ei san bucca seconferir sche deien ei trer la Sort.

Mintgia Compagnia aber dei haver 50 Umens e bucca pli.

Quella davosa Compagnia composada de 6 Umens per Cuort dei entscheiver siu Survetsch ilgs 31 de quest Meins, la quala aber dei continuar siu Survetsch 11 per ventscher ora ilg Meins.

Anno 1798 ilgs 19 de November, ha ilg lud. Magistrat ordenau, che aschinavon sco ilg Chor de Chitschadurs de nies Comin hag' in nagin Major, sche eis ei enflau per bien, ch'ei seigi bucca basegns de esser aide Major e per quella fin ei ilg Gion Giachen Camichel reclamaus de sia Charcha de aide Major, ton pli ch'ei gliei mai vegniu reportau sillas lud. Vischnaucas.

Anno 1798 ilgs 22 de December ei denovameng schminuiu las guardias sin mintgia Confin, enstagl de star mintgia 10 Dys mesa Compagnia per Confin, sche dei ei vegnir schminuiu della quarta Part della Compagnia e star semigliontameng 10 Dys.

Cau suenter suonda ilgs Nums et Numero digl entir complet Chor de Chitschadurs de nies Comin nomnadameng, ilgs Sigrs. Comandants e Capitanis, Litinents, „Feldweibels“, Corporals e cumins Schuldaus.

Comandants:

Signur Conradin Castelberg per Sur Sessiala,  
Signur Ludovic Balletta per Sut Sessiala.

Chirurg:

Nicolaus Balletta per Sur e Sut Sessiala.

---

Suondan las Compagnias, mintgia Cuort ina.

### Compagnia de Muste.

Capitani:

Conradin Huonder.

Premlitinents:

1. Gion Aloisi Mon,
2. Conradin Carigiet.

Sutlitinents:

1. Conradin Huonder de Segnas,
2. Giachan M. Genelin.

Serschant major:

Gion Francestg De Florin.

Serschants:

1. Nicolaus Francestg Berther,
2. Placi Anton Huonder,
3. Gion Baptista Durgiaï.

Corporals:

1. Gion Baptista Huonder,
2. Gion Francestg Quinter,
3. Gion Antoni Sac,
4. Gion Valentin Lutz,
5. Felix Huonder,
6. Giachan Tomasch Beer.

Serschant-Furier:

Giachen Martin Berther.

Scrivon della Compagnia:

Michel Antoni Cumonel.

Chitschadurs:

Giachan Adelgot Berther,  
Giachan Fidel Genelin,  
Gion Baptista Meinrad Genelin,  
Gion Baptista Jacmet,  
Casper Antoni Durgiaï,  
Mathias Antoni Huonder,  
Curdin Giachumet,  
Alexi Albin,  
Gion Bat. Mon de Segnas,  
Gion Giuseppe Maissen,  
Giachan Martin Berther,  
Giachan Martin Berther,  
Giachan Giuseppe de Lax,  
Gion Francestg Huonder,  
Gion Antoni Vinzens,  
Crest Giuseppe Sac,  
Mathias Antoni Deflorin,  
Placi Michel Schmedt,  
Placi Nuth,  
Tomasch Berther,

Gion Francestg Schmidt,  
Gion Bat. Sialm,  
Placi Loregn Berther,  
Mathias Schuoler,  
Gion Antoni Genelin,  
Maurus Berther,  
Clau Gioseph de Sax,  
Gioseph Antoni Manitsch,  
Gion Gioseph Simonet,  
Giachan Adalbert Durgiai,  
Tomasch Antoni Tschuor,  
Clau Biscuolm,  
Gion Bigliel,  
Gioseph Antoni Huonder,  
Fidel Condrau, negoziant.

Cumins 33. Total 50.

### **Compagnia de Tujetsch.**

#### Capitani:

Gion Antoni Gieriet.

#### Premlitinents:

1. Gion Antoni Mon,
2. Duri Baptista Mon.

#### Sutlitinents:

1. Gion Andriu Berther,
2. Rest Loregn Lucas Caveng.

#### Serschant major:

Gion Giossi.

#### Serschants:

1. Gion Bat. Beer,
2. Michel Jacomet,
3. Gion Baptista de Salins.

#### Corporals:

1. Placi Paly,
2. Sievi Gioseph Derungs,
3. Giachan Antoni Beer,
4. Martin Schmet,

5. Crest Schmet,
6. Gion Bistgaun Condrau.

Chitschadurs:

Rumias Curschellas,  
Gion Antoni Beer,  
Gioseph Maria Schnoz,  
Giachan Schmid,  
Crest Gioseph Beer,  
Vigieli Gioseph Beer,  
Giachan Martin Berther,  
Hans Antoni Beer,  
Tomasch Gioseph Beer,  
Crest Schmedt de Camischolas,  
Clau Giossi,  
Marti Antoni Muchli,  
Gion Antoni Giacomet,  
Gion Ant. Berther de Rueras,  
Paul Gioseph Giossi,  
Hasper Ant. Allj,  
Crest Ant. Giossi,  
Toni Beer,  
Melcher Casparin,  
Vigieli Beer, Lit.,  
Gioseph Hez,  
Barclamiu Riedi,  
Crest Gioseph Riedi,  
Placi Riedi,  
Gion Crest Riedi,  
Hans Giachan Caduf,  
Duri Venzin,  
Giachan Ant. Berther de Camischolas,  
Giachan Fidel Berther,  
Gion Crest Venzin,  
Gion Crisost Berther,  
Gioseph Venzin,  
Venanzi Deflorin,  
Melcher Antoni Jacomet,  
Schimun Decortins.

Cumins 35. Total 50.

## Compagnia de Somvitg e Tron.

### Capitani:

Nicolaus Lombriser.

### Emprimlittinents:

1. Gion Antoni Schmit,
2. Conradin de Caprez.

### Sutlittinents:

1. Gion Crest Modest Pally,
2. Balthassar Demont.

### Sarschant major:

Pieder Paul Baselgia.

### Sarschants:

1. Giachan Crest Berther,
2. Joseph Thuor,
3. Caspar Valler.

### Corporals:

1. Placi Hez,
2. Andriu Decortins,
3. Martin Steiner,
4. Pieder Antoni Spescha,
5. Crest Modest Maissen,
6. Gion Tomasch Fontana.

### Chitschadurs:

Antoni de Caprez,  
Pieder Genelin,  
Mathias Ant. Camenisch,  
Joseph Modest Flury,  
Jacob Mathias Faler,  
Condrau Lombriser,  
Gion Caplazi,  
Tomasch Decortins,  
Joseph Cahannes,  
Martin Lutz,  
Joseph Maria Schmidt,  
Andriu Joseph Miller,  
Gion Bistgaun Vieland,  
Giachan Michel Frisch,

Gion Benedetg Maissen,  
Giachan Michel Capaul,  
Clau Joseph Maissen,  
Mathias Lombriser,  
Bistgaun Ant. Cahannes,  
Balthassar Ant. Cadurisch,  
Joseph Steiner,  
Mathias Decortins,  
Gienart Beer,  
Vigieli Modest Valler,  
Gion Clauet,  
Barclamiu Fontana,  
Mathias Contrin,  
Gion Gieri Soliva,  
Giachan Rest Cargiet,  
Silvester Albin,  
Giachan Gelli Nuth,  
Andreas Ant. Fontana,  
Casper Steiner,  
Giachan Rest Demont,  
Serafin Maissen.

Cumins 35. Total: 50.

### **Compagnia de Breil e Medel. \*)**

#### Capitani:

Ludovic Derungs.

#### Empremlitinent:

1. Peter Maissen,
2. Joseph Duri Giossi.

#### Sutlitinent:

1. Gion Antoni Venzin,
2. Gion Batesta Bundi.

#### Sarschant major:

Gion Antoni Cabialaveta

#### Sarschants:

1. Gion Joseph Stivet,

---

\*) NB. Questa Compagnia ei dada en separata ina de lautra.

2. Merens Cabialaveta,
3. Gion Liberat Giger.

Corporals:

1. Clau Muoth,
2. Gion de Thuor,
3. Toni Maissen,
4. Liberat Simonet,
5. Gion Ant. Capeder,
6. Gion Ant. Liberat Capeder.

Chitschadurs:

Giachum Adalbert Camichel,  
Giachan Caspar Muoth,  
Ludovic Balletta,  
Ludovic Sievi Balletta,  
Casper Balletta,  
Giachan Plauncha,  
Giachan Paul Balletta,  
Michel Derungs,  
Toni Balletta,  
Giachan Sievi Muoth,  
Merens Cabiallavetta,  
Barclamiu Durisch Cagliezi,  
Clau Cagliezi,  
Crest Andriu Maissen,  
Giachan Lens,  
Paul Cabernard,  
Casper Herman,  
Fluri Vallier,  
Giachan Liberat Pally,  
Plazi Capeder,  
Plazi Simonet,  
Gion Giachen Giger,  
Gion Batesta Giger,  
Gion Batesta Huonder,  
Pieder Flepp,  
Antoni Flepp,  
Antoni Truaisch,  
Liberat Pally,  
Nicolaus Wenzin,

Gioseph Andriu Florin,  
 Duri Pally,  
 Liberat Ant. Alli,  
 Liberat Luz,  
 Gion Martin Simonet,  
 Gioseph Ant. Tschuor.

Cumins 35. Total 50.

Quest Chor de Chitschadurs ei tenor Plan composaus de 200 Umens che vegn formaus della Divisiun de 50 Umens per mintgia Cuort senza ilgs Signurs Comandants e Chirurg; ord de tut quei pon ins comprender tgei anim et iffer che ilgs Catschadurs han per deffender e schurmiar la Patria e Religiun, ilgs quals tuts voluntaris han seschau scriver en en quella Compagnia.

Scadina Cuort ha ses 50 Umens parat per la Deffensiun nomnadameng:

La Cuort de Muste ha . . . . .	50 Umens
„ „ „ Tujetsch ha . . . . .	50 „
„ „ „ Somvitg e Tron han . . . . .	50 „
„ „ „ Breil e Medel han . . . . .	50 „
Depli ilgs Sigrs. Comandants e Chirurg	3 „

Ilg Total e Complet Numero dilg Chor de Chitschadurs de nies ludeivel Comin ei pia 203 Umens voluntaris.

Omnia ad Majorem Dei Gloriam.

Quels tuts cau avon nomnai Chitschadurs schibein ch'ei eran seschai en tuts voluntariameng per la gronda premura che els havevan per la Deffensiun della Patria, sche era ei tonaton denter de quels che cura ch'ei stuevan esser daven da casa et esser silla guardia ne en Survetsch dilg Comin ne della Patria, seplonschevan sur il grond don e pregiudeci de lur casas e familias, ilgs quals eran solets a casa lur, sche ha in lud. Magistrat priu quels en consideraziun con sechar ira ora dilg Corps de Citschadurs, gie sche las lud. Vischnauncas seigien de quei contenzas e quellas han dau lur consentiment cau tier con mirar che las Compagnias seigien tonaton complettas; sche en pia mintgia mai quels ch'ei steva il pli mal a casa lur, ne quels Umens ch'eran persuls a casa ira; ilg qual ei aber bucca per Notta tgi ei ju ora.

Anno 1799 ilgs 9 de Januari ei ilg Sgr. Major de nossa lud. Ligia nomnadameng Giuncher de Toggenburg vegnius en nies Comin per comissiun et ordra dilg existent Cossegl d'Ujarra a Cuera per mirar che quella contingenta de quels 200 Umens per Ligia tenor ilg Plan d'Ujarra de cuminas Tiarras seigi ussa immediatameng parata, sco era priu l'inspeziun dils Umens e Nr. de quels e priu quen dellas bunas e schliatas Armas che nies Comin haveva.

Essent aber che nies Comin haveva schon fatg la Provisiun d'in cert Diember d'Umens nomnadameng ilg nies Chor de Chitschadurs, ilg qual consisteva ord 200 Umens e quels eran mo per la Defensiun de nies Comin e bucca per l'entira Tiara tenor Plan che plaida, aschia havevan nus nagina autra contingenta de Umens che fussen predestinai per la Defensiun della Patria et organisai, ilg qual tucava 250 Umens per dertgira aulta silgs 2000 Umens per Ligia. De quels 2000 Umens aber era ilg Plan d'Ujarra che fageiva de saver, che la mesadat nomnadameng 1000 deigien con ina gada esser preparai de sillas empremas ordras marschar nua che ilg Camond seigi, l'autra mesadat ne 1000 deigien restar parats.

Las lud. Vischnauncas de nies Comin han pia bucca saviu prender ora in meglier Nez per scadina, auter che de suplicar las Compagnias ne mesas de scadina Vischnaunca de Chitschadurs ch'ellas selaschien en en quei Plan con las lud. Vischnauncas e seofferir de recumpensar enqual caussa allas Compagnias de mintgina, las qualas aber sin Suplica de mintgina Vischnaunca en seschadas en voluntariameng de ira nua che ilgs camonds vegnan, mintgamai serender, nua ch'ei vegni camondau. Aschia ein ei stai contents et preparai et pinai et ilg Signur Major ha era enflau las Compagnias tuttas capablas al survetsch d'Ujarra.

Depia aber che ilg Plan d'Ujarra dellas cuminas 3 Ligias seuneva zun bucca con ilg Plan dilgs Chitschadurs de nies Comin: pertgei ch'ilg Plan d'Ujarra plaida mo de 2 Compagnias per Dertgira aulta e per mintgia Compagnia in Capitani, in Prem- e Sut-Litinent, in Sarschant major, treis Sarschants e 6 Corporals e Tambours. La formaziun aber dilgs Chitschadurs eran 4 Compagnias composada de 50 Umens l'ina et in Capitani, 2 Prem- e Sut-Litinent, in Sarschant major, 3 Sarschants e 6 Corporals. Sche depia che ilgs Chitschadurs han

voluntariameng seschau en en quei Plan sche era il Cor compo-  
saus mo de 200 Umens et ei tuca a nies Comin a proporziun  
dilgs 2000 Umens per Ligia 250 et aschia maunca ei a nies  
Comin aung 50 per complanir las Compagnias. Aschia han  
las ludeivlas Vischnauncas aung tratg ora 7 Umens per mesa  
Cuort, ilgs quals fan ora ilg diember dilgs 250 per ilg entir  
Comin: e pia ussa mettan

2	Cuorts	62	per	Cuort	che	fan	124	Umens
"	"	63	"	"	"	"	126	"
							Total	250 Umens.

Era la Divisiun e Partiziun dilgs Prem- e Sut-Officiers ei  
vegnida midada nomnadameng:

### Formaziun dell'emprema Compagnia

tenor Plan d'Ujarra per las cuminas treis Ligias.

#### Capitani:

Conradin Ludovic Carigiet de Muste.

#### Premlitinent:

Nicolaus Lombriser de Zignau.

#### Sutlitinent:

Tomasch Joseph Beer de Tujetsch.

#### Sarschant major:

Haspar Antoni Beer de Muste.

#### Corporals:

In de Somvitg, in de Breil et in de Medel.

#### Tambours:

In de Muste et in de Tron.

	Schalldaus Comins.	Con ilgs Officiers.
Muste . . . . .	27	31
Tujetsch . . . . .	29	31
Somvitg . . . . .	13	16
Tron . . . . .	13	16
Breil . . . . .	13	15
Medel . . . . .	14	16

Total 125

## Per la seconda Compagnia.

Capitani:

Ludovic Balletta de Breil.

Empremlitinent:

Gion Giachan Giossi de Tujetsch.

Sutlitinent:

Pieder Paul Baselgia de Somvitg.

Sarschant major:

Joseph Duri Giossi de Medel.

Sarschants:

In de Tron, in de Muste et in de Tujetsch.

Corporals:

In per Vischnaunca.

Tambours:

In de Tujetsch ed in de Breil.

	Schaldaus Comins.	Con ilgs Officiers.
Muste . . . . .	29	31
Tujetsch . . . . .	27	31
Somvitg . . . . .	14	16
Tron . . . . .	14	16
Breil . . . . .	13	16
Medel . . . . .	13	15
		<hr/>
	Total	125
Tier l'emprema Compagnia	Total	125
Tier la seconda Compagnia	"	125
		<hr/>
	Suma	250 Umens.

## Anno 1799 ilgs 7 de Mars.

Aschi lunsch tonschan ilgs quens ne ilg avanzament dilg Corps de Chitschadurs ne „Landmilissa“.

Sco las neblas serimman ent ilg ault firmament plaun e plaun ensemen, prepareschan tier la materia tiel tun e cametg, fan tremblar tras lur terribla e stermentusa canera la pli ferma greppa.

Aschia ei succediu con Rhaetia!

Schon deditg veva la naziun franzosa sut direcziun dilg General en Chef Massena tratg con la truppa pli datier de noss Confins ella Helvetia e Valtrina.

En ina gada senza nagina formala declaraziun d' Ujarra attacan ei hostilmejn nossa Tiarra.

Ilg sura datum, ilgs 7 de Mars, ves'ins a sgolont la bandiera de 3 colurs sin noss cuolms, e lez ei quei dy, che vegn a restar en frestgia memoria bucca mo a nus, sonder alla pli tarda posteritad.

Petschens affons sependent vid il best de lur combrigiadas mummas vegnan a seregordar, gie con balbigionta vusch saver risdar de lur tema et anguoscha ent' ilg fugir per cuolms, vals e taunas, seruschnont per la greppa, sezupont mo per fugir et untgir ora la gretta d' in vilau et alla entira Europa stermentus Inimitg.

Aung ditg suenter vegn ilg Pievel a seregordar et parer ch' el audi en sias ureglias quei sgarscheivel tunar e burlir dilg zen grond, ilg qual con sia vusch intimescha l' Ujarra e fa de saver la schon deditg tumida vegnida d' ina jastra armada. Mo in cor expermentau po saver e descriver ilgs sentiments che fuvan enten siu combrigiau Pez.

Ilg mariu banduna sia casa sut aults suspirs de sia consorta e sut bargir de ses pigns affons, misheda sez sia vusch cun ilg bargir de sees combrigiai et embratscha ilgs petschens.

Da d' in auter maun ves'ins in fegl prendent cun furtina las armas enten maun e suspiront dat el siu maun alla mumma et a sees fargliuns, ilgs quals bognan siu maun con cauldas larmas per la vesta giu.

Ilg bab va con sees fepls per combatter per Diu e per la Patria, per Religium e Libertat, per salvar la da Diu schenghiada e da noss buns vegls artada e mantenida Libertat, e per consequenza vein voliu suondar noss antecessurs ellas armas. Aber tut adumbatten, bein che gl' empren parev' ei che nossas armas fussen victoriusas, seo ella emprema dilg codisch u de quest Protochol ei rapportau sut ilg datum dilgs 7 de Mars. Silsunter aber, compaitg che Diaus (ilg qual ei giests en sias disposiziuns) ha era voliu encorir nus a casa con sia zvar suenter noss merets migieivla torta, e sechar sentir ilg buordi dell' Ujarra, la quala ei in general strof. Et aschia suenter haver capitulau

con ilg General Demont ei ilg Corps ne Contingenta de Chitschadurs, sco era ei tut auter armau Pievel staus Dissolvius e Disfaitgs.

Tgei grond ambrogl, tgei gronda mala aura de cruschs e miserias — tut quest hagi portau a nies schon deditg tier la Libertat liberau Pievel — vi jeu quescher.

Avunda eis ei de cau adverter che nossa paupra tiara en spazi de bunameng 3 onns seigi vegnida visitada da 3 armadas, las qualas han la nossa schon vidavon paupra tiara migliau ora e caschunau carischia e munconza della necessaria vivonda.

Perquei ei ussa la cumina vusch che desiderass la Patria sco vidavon — la presta paisch — cul Poet: Nulla Salus Bello — Pacem te possimus omnes, la quala Diaus a nus vegli conceder, e dar la grazia che nus prendeien si sia buna e carina admoniziun per nies bien, dovreien decaudenvia pli bein nossa sointgia Libertat e semusseien perseveronts e fervents enten la nossa sointgia Religiun. — Fiat.

Gion Ant. Frisch,  
p. T. Actuari.

---

Observaziun della redacziun. Suenter madira ponderaziun havein nus afflau per bien de schar compleinamein il plaid al vegl protocollist ed havein aschia fatg neginas midadas essenzialas, schegie che l'ortografia ei ualti irregulara e la construcziun bucc'adina exacta e clara. Nus havein selubiu mo entginas correcturas en l'interpuncziun e pintgas remeduras enten il text — en omisdus cass per ch' il Lectur capeschi meglier il senn dil manuscript. Èra havein nus sedan tutta breigia ded extirpar, tont sco posseivel, ils germanisms ils pli acuts, cum ils quals ils protocolls dil „Cossegl d'ujarra“ ein, per schi dir, surcusì.

Sche malgrad quellas ustonzas nus havein publicau ils protocolls, seh' ei quei diventau per amur dellas caussas interessantas, las qualas quels portan ord nossa historia paterna. L'entschatta porscha la lectura dils protocolls entgins incaps, mo plaunsiu sedisan ins al stil empau zum original dil scribent, meritond el finalmein tutta atenziun e tut respect.

Nus concludin cum la remarca suondonta: Ils protocolls questioneivels sesafflan en ils arhivs dil lud. Cumin della Cadi. Nus havein da vart curteseivla e senza dubi competentia obteniu la lubienschia della copiatura. Nus secartein pia, che la relativa publicaziun porti in character absolutamein regular. Èra seprofitien nus de questa occasiun per porscher nos engraziaments a quei Signur, il qual, nunditgont ses cavegls grischs, ha conservau in cor giuvenil per siu matern lungatg romonsch.

